

# De res van dien laeve speelt ziech aaf in de toekoms

't Is tied um neudege keuzes te make. Veer renne van crisis nao crisis. Klimaat, woonruum, toeneumend ermooj, stikstof, migratie - ze hōbbe allemoal ein dink gemein: 't zeen crisisse gewore omdat de keuzes jaorelang veuroetgesjove zeen.

Der zeen politici die volhoje dat Nederland zelf 'n antwoord kin vinge op de oetdaginge van de 21ste ieuw. Mè dat is 'n illusie. Es veer grip wille kriege op oos toekoms, dan kin dat allein op eine plaats: in de Europese Unie (EU). 'n Sterke en onafhankelijke EU is de einigste meneer um oos veiligheid en bestaonszekerheid te behawwe en 'n greun toekoms te bereike.

Daorum is Volt zès jaor geleie opgeriech. Jong luuj door gans de EU stoonge op en zagte: "Es de aaj partije 't neet doon, dan doon veer 't zelf waal." Want veer kenne alle oetdaginge aan en veer kenne van probleme kanse make, es veer noe waal de neudige keuzes make. Dat kinne gein klein stepkes zeen; dat motte gedurf systeemveranderinge zeen veur de lange termien. Systeemveranderinge die houp gaeve, die 'n radicaal positief toekomsbild sjetse wovan luuj zigke: "Ich kèn neet wachte tot 't 2050 is!" Die toekoms en de systeemveranderinge um dao te komme staon in dit programma.

## Radicaal veur 'n Vereineg Europe

Veer zeen euvertuug det 2050 greuner, eerliker en veiliger kin zeen es 2023. Mè dat kin allein op ein meneer: mit 'n Vereineg Europa en 'n federaal en democratische EU. Veer hōbbe 'n politieke systeemveranderinge neudig: es de oetdaginge grenseuverstiegender zeen, moot oos politiek dat ouch zeen.

- De EU gebroek hāör positie es groetmach um weltwied klimaatleijer te zeen en len tot 'n greun toekoms te bewaage.
- Door de begroetingsunie te realisere, volgreet de krach van de euro. Zoe kinne de klimaat- en defensie-ambities were bekosteg mit Europese belastingsobringste en 't aangaon van gezamelikke sjulde.
- Mit Europese belastinge veurkomme veer det multinationals belastinge ontwieke door zich euver de grens te vestigge.
- Mit 'ne Europese kriegsmach is oos besjermining in 'n onveilige welt neet langer afhankelijk van de VS.
- Mit 'ne Europese sjpreidingswet zōrge veer veur 'n eerlik en human verdeling van vluchtelingen.
- Veer sjrieve 'n Europese constitutie um 'n Vereineg Europa op te rechte, mit doa-in mie aandach veur alle regio's.

## Radicaal veur 't klimaat

Volt kees veur 'ne radicale klimaataanpak zonger taboes: alles op alles, én-én. Nederland en de EU mote klimaatneutraal zeen in 2040 en daonao inzitte op klimaatpositiviteit. Zoe boewe veer aan 'n sjoen toekoms wo veer sameleve mit de natuur. De gemeinsjap zal de kommende jaore drastisch gaon verangere; neet alles wat vandaag kin, kin euvermōrge ouch nog. Veer mote rigoureuze keuzes make.

- Veer sjrappe fossiele korte-aafstands-vlōchte, stoppe vanaaf 2030 mit de verkoop van nuuj fossiele automotore, gaon privéjets verbeeje en de meis vervoelende fabriekes slete tot ze duurzaam zeen. De oetbuting van luuj, dere en planeet kin neet doorgaon.
- Veer bouwe 'n Europees netwerk veur hoegsnelheidstreine, investere in greun stei en stadskerne, zuver loch en water, en in greun wirk.
- Veer sra[pe de fossiele subsidies en versjuve die geldstroume nao zuver energie, greun bedrieve en luu die zonger finansjeel hulp neet kinne verduurzame. Allein es veer veur mekaar zōrge, kinne veer dees verangeringe vōrmgeve.
- Veer stoon veur 'ne snelle umbuging van intensieve nao circulaire en natuurinclusieve landboew.
- Veer make 't opebaar verveur everal nao behoefte besjikbaar, ouch in dunbevolkte gebeje.

## Radicaal veur gelieke kanse

Volt wil bie 't verdiele van geld euver regio's de spreijing van óngerwies, zōrg, wirk, cultuur en publieke deenste zoe inriechte, det dees veur idderein in Nederland good toegankelijk zeen. Volt kees veur gelieke kanse veur alle inwoeners van de EU in edere regio, in de sjtad en op 't platteland. De euverheid geit oet van vertroewe, ederein maog zichzelf zeen en de euverheid sjteit pal veur inclusiviteit. Toekómstige generaties hoove ziech gein zōrg te make euver hun besjtoonszekerheid; die weurt evident veur ederein.

- Veer bouwe 'n Europese Sociaal Unie, wobie nao lokaal maatsjtave geliekloon veur geliek wirk, en gelieke werknummersrechte veur gans de EU gegarandeerd zeen en ederein in de EU verzekerd is van fatsoenlike laefumstjandigheje.
- Veer verhoegge de biesjtand en 't sociaal minimum: ederein mot genog geld hōbbe veur wone, energie, óngerwiès, zōrg, opebaar verveur en digitaal toegank.
- Volt hilt 'n positief miensjild: 'n miensjild van vertroewe, zonger discriminatie en racisme, mit de miensjilike maot es maotsjtaf.
- Veer creëre gelieke kanse veur kinger door kingeropvang besjikbaar te make veur alle kinger, ongeach of de ouwersj waal of neet wirke, door 't óngerwiès inclusief te make en religieus ongerwies neet mie te finansiere, en door studere veur ederein beriekbaar te make door de basisbeurs te verhoage. Zoe krieg ederein geliek kanse um ziech te óntwikkele.

**Radicaal veur 'n nuuj sociaal-economisch systeem**

Volt kees veur 'n compleet sociaal-economische umwinteling. Veer boewe 'n Nuuj Economie die geriech is op brei welvaart, wobie de behooftes van de gemeinsjap en de natuur centraal stoon.

- Welvaart mot beter verdeild weure. Wirk geit mie opbringe. Vermoge, vervoeling en bedrieve weure mie belas. Vermogenswinste op aandele en anger afgeleije produkte weure mie en mit gesjaalde tarieve belas.
- Veer zette gans in op circulair: 't vernetige van ongebroekde produkte weurt verbaoje, de functionele garantie en de duur daovan weure in 't veurdeil van de gebruiker oetgebred en in Europese wetgeving vasgelagd. Fast fashion weurt verleje tied.
- 't Is tied veur 'n groeëte fiscale hoespóts. Veer sjaffe alle toesjlage, heffingskortinge, aaftrikposte, vrijestillinge en werkgevers- en werknumpersjpremies aaf. Dees weure aafgedek door 'n aangepasde inkomstebelasting en 'ne nuije basistoelage es aanzit nao 'n universeel basisinkomme.
- Veer make creatieve woonoplossinge meugelik en make optimaal gebruik van de meugelikheid tot 't omboewe van laegstaonde geboewe. Tegelekertied boewe veer nuije weuninge, verduurzame veer bestaonde weuninge mit 'ne isolaasieoffensief en bouwe veer sosjale huur- en koopweuninge door elkaar heen in gemengde wieke.

**Radicaal veur de democratie**

De democratie haet fundamenteel vernujing neudig. Volt kees veur vertroewe, mieë inspraak en 'ne stum veur ederein vanaaf 16 jaor. Veer goan mit mekaar door 'ne tied van groete verangeringe en dao-in hóbbe veer - de kezer en de politiek - mekaar neudig. Volt kees veur 'n democratie van de 21<sup>ste</sup> ieuw, die ziechzelf opnuuj oetvink um baeter te kenne lievere aan häör inwoeners, die inwoeners groetere invlooj geef en die häöre rol pak in dees snel verangerende digitale welt.

- Veer verliege de stumleeftied nao 16 jaor en make de generatietoets leijend veur nuij beleid, wobie de gevolge van politiek veur toekomstige generaties gegarandeerd mitgewooge weure.
- Veer riechte 't allerierste nationaal, permanint burgerberoad van de welt op waobie inwoeners direk invlooj op de politieke besluitvörming kenne oetveure.
- Veer breije de Twiede Kamer oet van 150 nao 250 lede, organisere visiedebatte euver de lange termien, en verlengde de aandacht van de Kamer mie nao wetgeving.
- Veer beneume 'ne minister van Digitaal Zaake, um regie te kriege op, beveurbeeld, kunsmatige intelligentie (AI) en dao ouch de kanse van te benutte.